

SESSION GUIDES

Alternative Learning System- Accreditation and Equivalency (ALS-A&E)

Secondary: Problem Solving

Mahusay Na Pamimili



USAID
FROM THE AMERICAN PEOPLE



Save the Children®



ASCEND-Mindanao
Assistance for the Comprehensive Educational Development of Mindanao



March 2006

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

Mahusay na Pamimili Session Guide Blg. 2

I. MGA LAYUNIN

1. Naipapaliwanag ang kaugnayan ng suplay ng isang produkto sa pangangailangan sa nasabing produkto
2. Nakapagpapasya nang wasto upang malutas ang suliranin

II. PAKSA

A. Aralin 2: Kailan Mura ang mga Bilihin, p. 22-31

Pangunahing Kasanayan sa Pakikipamuhay: Kasanayang Magpasiya at Paglutas sa Suliranin

B. Kagamitan: Activity cards, modyul

III. PAMARAAN

A. Panimulang Gawain

Pagganyak

- Magbigay ng komento sa diyalogo

Napakamahal ng karne ngayon, kasi naman nataon na pistang bayan bukas kaya marami ang bumibili



Oo nga, pero bagsakan naman ang presyo ng mangga siguro dahil panahon

Itanong:

- Bakit mahal ang karne?
- Bakit bagsak ang presyo ng mangga?
- Naranasan na ba ninyo na mamili ng mahal o murang bilihin?

B. Panlinang na Gawain

1. Paglalahad

Itanong:

- Sinu-sino ang namamalengke sa inyo?
- Kailan ninyo napapansin kung mura o mahal ang bilihin?

2. Pagtatalakayan

- Bumuo ng 5 pangkat at ibigay ang 5 balita o pangyayari na nakasulat sa activity cards. Hayaan silang magbigay ng kuru-kuro sa nabasang balita.

Pangkat 1

Maraming sinalanta ang bagyong Des. Halos lumubog ang buong Central Luzon. Abot – abot sa 5 bilyong piso ang tinatayang sinira nito lalo na sa mga palayan ng Nueva Ecija at gulayan sa Pampanga. Ito ay laging nangyayari kapag tag-ulan.

TANONG:

Ano ang magiging epekto nito sa ekonomiya ng bansa?

Pangkat 2

Natabunan ng landslide ang Kennon Road sa Baguio kaya inaasahang mahihirapan sa biyahe ang mga bus at trak na regular na bumibiyahe papunta at palabas ng Baguio. Ang mga gulay sa Baguio na dapat ay madala sa maynila at karatig-pook ay nagkakanda bulukan na dahil sa hindi nila ito maipadala sa kapatagan.

TANONG:

Ano ang magiging epekto nito sa presyo ng gulay sa Maynila?

Pangkat 3

Nagdagsa ang kaing-kaing na mangga sa pamilihan dahil sa panahon na naman ng mangga. Ito ay laging inaasahan kapag buwan ng Abril at Mayo kung saan kapanahunan ito ng pag-aani ng mangga at iba pang prutas.

TANONG:

Ano ang magiging epekto ng pagdagsa ng mangga sa presyo nito?

Pangkat 4

Binabalaan ang mga tao sa pagkain ng manok dahil sa pagkalat ng Bird's Flu virus. Ayon sa Dep't. of Health, ito ay nakamamatay.

TANONG:

Ano ang magiging epekto ng balitang ito sa presyo ng manok?

Pangkat 5

Marami ang naimbak na yaring damit ang House of Juanita at ang mga ito ay unti-unti nang nawawala sa uso.

TANONG:

Ano ang dapat gawin ng House of Juanita upang huwag silang tuluyang malugi.

- Ipasulat o ipaulat sa mga lider ang kasagutan ng bawat grupo.
- Bigyan ng kalinawan ang mga aspetong hindi masyadong naintindihan.

3. Paglalahat

Itanong:

- Kailan mura ang bilihin?
- Kailan mahal ang bilihin?

4. Pagpapahalaga

Sitwasyon:

Napabalitang tataas ang presyo ng bigas sa pamilihan. Si Virgie ay isang negosyante ng bigas at nag-imbak siya ng maraming bigas upang maipagbili niya ito sa mas mataas na halaga.

Tama ba ang ginawa niya o mali, bakit?

- Bigyan ng pagkakataon ang mag-aaral na magbigay ng kuru-kuro. Ipasuri ito at ilagay ang konklusyon sa isang kahon.

5. Paglalapat

Ipaliwanag ang batas ng suplay at pangangailangan. Isulat ito sa papel. Sundin ang outline na ito:

- Bakit ?
- Ano ?
- Kailan ?
- Paano ?

IV. PAGTATAYA

Sagutin ang mga tanong:

1. Tumaas ang presyo ng langis sa pandaigdigang merkado dahil sa giyera sa Iraq. Ano ang magiging resulta nito sa presyo ng langis sa bansa?

2. Sampung bata ang napabalitang nalason sa pagkain ng kamoteng kahoy. Ano ang magiging resulta nito sa presyo ng kamoteng kahoy?

3. Nagdagsaan ang mga kamatis sa palengke. Ano ang magiging resulta nito?

4. May 3-day sale sa lahat ng outlet sa Ding's Mall at nagbibigay sila ng hanggang 50% discount sa lahat ng bilihin. Sa palagay mo, bakit ito ginawa ng Ding's Mall?

V. KARAGDAGANG GAWAIN

- Pumunta kayo sa palengke at tingnan ang presyo ng mga bilihin. Itanong kung ito ba ay tumaas o bumaba at kung ano ang mga kadahilanan.

Mahusay na Pamimili Session Guide Blg. 3

I. MGA LAYUNIN

1. Naipaliliwanag ang mga batas na nagtatanggol sa mga mamimili at ang mga karapatan ng mga konsyumer
2. Nagkakaroon ng pansariling kamalayan tungkol sa karapatan bilang mamimili

II. PAKSA

- A. Aralin 3: Anu-ano ang Iyong mga Karapatan Bilang Mamimili?
p. 32-45

Pangunahing Kasanayan sa Pamumuhay: Pansariling Kamalayan

- B. Kagamitan: Chalk at pisara

III. PAMARAAN

A. Panimulang Gawain

Pagganyak

Itanong:

- Anu-ano ang mga karapatang pantao na alam ninyo?
- May alam ba kayong batas na sumusuporta sa mga karapatang ito?

Halimbawa:

- Karapatan ng tao na itakda ang oras ng trabaho at ang kalabisan nito ay overtime na at doble ang bayad.
- Ito ay nakapaloob sa Batas sa 8- oras na pagtatrabaho.

B. Panlinang na Gawain

1. Paglalahad

Ipabasa ang mga sitwasyon na nakasulat sa pisara:

- Bumili si Aling Tuding ng plantsa, subalit pag-uwi niya ayaw nitong mag-init. Ibinalik niya ito sa tindahan subalit ayaw itong palitan dahil sa kanilang polisiya na “No Return No Exchange”.
- Kaarawan ni Edna at napagpasiyahan na regaluhan niya ang sarili ng bagong bestida. Pumunta siya sa Mall at bumili ng isang mamahaling bestida para sa kanya. Pag-uwi niya nakita niya na may mantsa ito sa may laylayan. Puede ba niyang ipapalit ito kahit na wala na ang resibo niya?
- Hingan ng reaksiyon ang mga mag-aaral sa dalawang sitwasyong binasa.

2. Pagtatalakayan

- Pag-usapan ang mga reaksiyon na ibinigay ng mga mag-aaral
- Ipabasa ang pahina 35-36 ng modyul
- Pag-usapan ang RA # 7394 na tungkol sa Karapatan ng Mamimili
- Ihambing ang mga reaksiyon nila sa mga panukala ng RA # 7394

3. Paglalahat

Itanong:

- Ano ang RA # 7394?
- Anu- ano ang mga hangarin ng RA # 7394?
- May pinipili ba ang batas kung sino ang maaaring proteksiyunan nito?

4. Pagpapahalaga

Sitwasyon:

Bumili ka ng isang pares ng sapatos, subalit pag-uwi mo ito pala ay napalitan. Alam mo ang karapatan mo bilang mamimili, ano ang gagawin mo? Ano ang maaari mong gawin kung tumanggi ang binilhan mo na palitan ang sapatos?

5. Paglalapat

Sagutin ang mga tanong:

- a. Bakit kailangang itago ang resibo at warranty certificate ng binili mong produkto?

- b. Sa anong ahensiya ka dapat dumulog kapag ikaw ay may reklamo sa binili mong produkto?

IV. PAGTATAYA

- Pasagutan ang “Subukan Natin Ito” sa modyul p. 34 at ang “Pag-isipan Natin Ito” sa p. 37 ng modyul.

V. KARAGDAGANG GAWAIN

- Magpagawa ng islogan tungkol sa karapatan ng mamimili upang magkaroon ng kamalayan ang ibang tao sa karapatang ito.
- Paghandain ng “role play” ang mga mag-aaral upang lalong mabigyan ng halaga ang napag-aralan.